

liche Brücke vber den Rhein zusammen gefasset. Ist ein guter Paß vber Rhein/ an beyden seiten besetztiget/ vnd vor Zeiten ein herrlicher Sitz der Grafen von Tengen gewesen. Hat ein Herrschafft/ so durch einen Lands-Vogt von der Statt Zürich regiret wird/ an welche sie Anno 1496. durch Kauff kommen ist.

3. Gräningen.

In Stättlein/ sampt einem Schloß/ bey dem Gryffensee/ nahend/ vnd auch im Zürichgaw gelegen. Hat ein schöne Herrschafft / so 2. großer Meylen in der Länge/ vnd ein große Meyl in der Breite/ darin epiff Pfarz/ Kirchen/ vnd zwey Kloster/ Dubickon vnd Rütz/ seyn. Ist Anno 1418. vmb ein Summa Geldts an Zürich kommen. Führet ein eygen Fähnlein zu Felde in Kriegsordnen. Der Zürichsche Landvogt regiret mit 12. Richtern / auß der Landschaft erklohren/ allda in Burgerlichen Sachen: In Peinlichen aber kompt auß jedem Hauß der ganzen Herrschafft ein Mann an das Gericht/ so das Landgericht genennet wird.

4. Griffensee/ oder Gryffensee/

Is schier zu vnderst am See/ so von diesem Stättlein den Namen hat/ vnd ein gute Schweizer Meyl Wegs von Zürich/ an welche Statt sie An. 1402. durch Kauff kommen ist/ auch im Zürichgaw/ ein wenig vnder dem Einfluß der Aar/ in den besagten See/ vnd auß dessen rechten Seiten/ der lustig vnd Fischreich/ vngesährlich auß 5000. Schritt lang/ vnd wol halb so breit ist. Es hat zu Griffensee auch ein Schloß.

5. Regensperg/

Schloß vnd Stättlein/ ein Meyl Wegs von Zürich/ vnd bey einer Stund Fußwegs von der Glatt hindan/ auß einem hohen Vorbüchel des Egerbergs gelegen. Hatte vor Zeiten eygne Grafen / deren der Letzte in solche Armut kommen/ daß Er seine Herrschafft denen von Zürich verkaufft hat/ vnd in selbiger Statt verstorben ist. Hat ein zugehörige Landschaft vñ Vogtshen/ dahin das ganze Wenththal/ vnd viel herrlicher Flecken darumb geleget/

gehörig. Vnd zeucht sich dieses Ampt biß auß ein halbe Meyl gegen Baden hinab: Wie von diesem/ auch vorgehenden/ vnd folgenden Orten/ insonderheit Johannes Scumpsius, vnd vornemblich in der letzten edition der Schweizer Chronik zu lesen.

6. Stein am Rhein/

Hat sich auß der Aschen der gewaltigen/ vnd bey Käpfers Valentiani III. Zeiten zerstöhreten Statt Gaunoduri, vord über auß Germanier Seiten/ erhebt/ vnd ist vngesährlich vmbds Jahr Christi 566. von Burcardo, Herzogen zu Schwaben/ mit Rawren vmbzogen worden/ vnd von den Herzogen zu Schwaben an die Freyherten von Alten-Klingen- kommen / die das Schloß Hohen-Klingen ob der Statt gebawet / nach welchen diese Statt an die von Klingenberg/ seßhafte auß Dwiel kömen / von denen sich die Bürger vmbds Jahr 1412. abkafft haben. Anno 1478. haben die von Stein ihren Bürgermeister erdränckt. Anno 1484. haben sie sich in der von Zürich/ von denen sie ein Summa Geldts empfangen/ Schutz/ mit vorbehalt ihrer Freyheiten ergeben. Es hat aber noch diese Statt ihre besondere Dbrigkeiten / vnd im Krieg ihre eygene Fahnen. Wegen des Klosters allhie wird die Statt zu den Reichs-Lägen beschriben/ in welchem an statt des Abbts/ die von Zürich einen Schaffner haben/ die auch An. 1599. darin ein Kirchenthurn auffbawen/ vnd 3. Glocken darein haben hengen lassen.

7. Winterthur/

Im Turgaw/ so ein wenig vnder Pfin Liget/ ist bey Regierung der Käyser Diocletiani vnd Maximiani, von den Alemanniern auß den Grundboden geschleiffet worden: Aber ihre Rudewerfer vnd Anwälde/ Galcrius vnd Constantius / ein Vatter des Grossen Constantini / haben einem Sequanischen/ jetzt Burgundisch/ Landpfleger/ so Aurelius Proculus hieß/ diesen Plass wider auffzurichten/ befohlen. Joh. Guler. lib. 4. Rhztiz fol. 41. b. Es wird dieser Ort/ zum Vnderscheid des alten Winterthur/ oder Vitoduri (so jetzt ein stattlich Dorff/ neben der Eulach/ auß der rechten Seiten gelegen/ ist) new Winterthur genant/ vnd ligt vnter dem gedachs